



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Baptismate Paschali Et Origine Ac Ritv Consecrandi
Agnos Dei Liber**

Panvinio, Onofrio

Romae, 1656

Capvt Primvm.

urn:nbn:de:hbz:466:1-11287

CAPVT PRIMVM.

A pud antiquos Romanos in Saturnalibus inter apophoreta, seu munuscula, cerei à clientibus missitari solebant patronis, e Publicij Tribuni plebiscito; fuerat hic mos institutus ab Hercule, cum docuit Italos vice humanarum victimarum, quibus impiè atque crudeliter Saturno litabant, offerre oscilla, quę arte ad humanam effigiem simulata erant, accensis luminibus e cera, imò simulacra hominum duo, vnum cereum, & stramineum alterum, e ponte Miluio in Tiberim deicere, vti tradūt Plutarchus περὶ λαθούσιας, Laetantius lib. 1. Diuin. Instit. c. 21. Ouidius in Fast. Lips. lib. 1. c. 16. Saturnal. sermon. Card. Baronius in Notis ad Martyrol. Rom. 2. Februari. Homines quidem & lumina φώτων nomine Gręci nuncupabāt, ista quasi φάνοντα, id est, lucentia; illos quasi φῶντες, seu φάγτες id est, loquentes. Festus, Varro lib. 4. de Lingua Latin. A. Gellius lib. 19. c. 9. Noct. Atticar. Macrobius lib. 1. c. 7. Saturnal. Muret. c. 7. lib. 7. var. lect. Valerianus lib. 4. Hieroglyph. S. Gregorius Nazianz. Homil. 40. in Sanctum Baptism. Raderus in Martial. lib. 10. Epigr. 73. & lib. 14. Epigr. 38. Adhibitos etiam cereos in Chloridis, seu Flo-

ræ

ræ sacrī, constat ex Epigrammate prompto e
vetusto Codice Cuiacij, quod inter alia incerti
poetæ reperit etiam apud Gnosium Stephanus
Clauerius, vt inquit, in suo Claudiano, de Ce-
reo.

Flora venit. quæ Flora? Dea. an de gente Latina?

Nou reor, at Chloris dicta per arua fuit.

Huius in aduentu radiant de more lucernæ,

Nam nitet, atque bilarat Nume nū cuncta suo;

Cerea materies Apibus debetur amicis,

Floribus, atque hortis sit, precor, aqua meis.

Hæc sacra Floræ Floralia dicta, & instituta
vt omnia benè deflorescerent, i v. Kal. Martij
peragebantur à Romanis Oraculorum Sibyl-
linorum monitu. Alia erant Floralia obsecæna,
de quibus Rosinus lib. 5. Antiq. Roman. c. 15.
& Cuiacius in Nouell. 105. & quæ meritò fue-
runt antiquata. Exaduerso penes Hebræos
vti mel non efferebatur in sacrificijs, ita cera
non lucebat in Tabernaculo, sed respuebatur.
obseruat id Sanctus Hieronymus in xi. man-
sione, & in epist. ad Gaudentium, vbi ceram
abs Israelitis contemptam afferit, quia dulce
continet, hospitiumquè mellis est; mel autem
habebatur voluptatis, atque deliciarum sym-
bolū, Eucherio authore quæst. 34. vet. ac nou.
Testam. Innuit id Rabanus, & glossa in c. 24.
lib. 1. Regum, vbi narratur Ionathas parum
mellis gustasse, atque mori. & in c. 15. Proverb.

D 3 fusiū-

fusiusquè differit Valesius lib. 1. de sacr. philos. c. 16. vnde scriptor epistolæ de Cereo Paschali ad Præsidium Diaconum, falsò attributæ Sancto Hieronymo, insertæ què tomo 4. Operum (vti Possevius notat). Lege (inquit) Pentateuchum, Instrumentum percurre vetus; nusquam in Dei sacrificijs mella, nusquam ceræ usum, sed lucernarum lumina, & oleo fotos videbis igniculos. In Ecclesiæ verò cunis, & fascijs mel dari Catechumenis consuetum fuit; celebratque societatem, & concordiam mellis, quod illi prægustabant, Tertullianus lib. 1. de Corona militis, & lib. 1. cap. 4. adu. Marcion. Clemens Alexandrinus lib. 1. Pædagog. c. 6. & ipse S. Hieronymus c. 7. adu. Lucifer. Alba-spineus Episcopus Aureliaenfis c. 8. lib. de antiq. Eccl. polit. & in Nott. ad Concilia, & Tertullian. Quin & Panuinius bis superiùs illius meminit. Quæ consuetudo etiamnum seruatur ab Aethiopibus, vti constat ex Ordine Baptismi, tomo 6. Bibliothecæ Patrum intexto, & e Vicecomite lib. 5. de Ritib. Bapt. & e Casalio lib. de Ritib. vet. Eccles. accensebatur camellis delibatio inter minora sacramenta, idquè iam adnotauit. Neque solùm lampadū, ac lucernarum, quæ oleo nutriebantur infuso, usum à Iudæis acceptum retinuere Christiani, adauxere insuper, & plurimum nobilita-

litauere, Cicindelis, Capitulatis, Cantharis, Pharocanthalis, Coronis, & Lychnorum, seu lucernarum bimyxarum, ac polymyxarum varijs generibus excogitatis, de quibus Raderus in Martial. Epigr. 37. lib. 14. In sermone 215. de Tempore S. Augustini (quem Vverlinus in Crise, & Vindingus in Critico castigato abiudicant, quam iustè, in Chronologia Operum S. Augustini disquiro) legitur. Qui possunt aut cereolos, aut oleum, quod Cicindelibus immittatur exhibeant. Sunt Cicindelæ, Festo, candelabra. Martialis lib. 14. Epigr. 36. ita canit de Cicindela (nam perperam scribitur Cādela, egebantquè versus Machaone. *Ancillam tibi sors dedit lucernam, totas quæ vigil exigis tenebras.* Gregorio Turonensi lib. 4. c. 31. Histor. Cicindelem extinguere voluit; Auctori vita S. Cæsarij Arelatensis in Chronol. Lirineñ. dum Cicindelam concinnaret. In charta Tiburtinæ Donationis, à me prolatâ, donantur Cicindelæ argenteæ cum catenulis suis. Licinius quasi Lucinius est cicindela lucernæ Isidoro lib. 20. c. 10. Origin. Rosvveydo ad v. Idus Decembbris in Martyrol. Adonis. Fulbertus Carnotœñ in epistola ad Odilonem *ardentes Cicindelas Virginum* vocat, quæ vasa lampadum in Euangeliō S. Matthæi dicuntur. Ita nuncupatae fuerūt istæ lucernæ, quia scintillant quasi

D 4

Lam-

Lampyrides, seu vermes ignium more lucentes noctu per æstatem, & stellantes volatus, atque noctilucæ, siue nitedulæ, quæ Aristoteli Pyrolampides, & de quibus copiosè agit Plinius lib. 11. c. 28. & lib. 18. c. 26. Nicetas etiam in Histor. & Gaudentius Merula lib. 1. de Gallor. Cisalpin. Antiquit. c. 2. Non desunt qui Cicindelas exponant pensiles Lychnos pernoctes, seu Lampadas, quæ tota nocte seruantur accensæ. Adnumerat S. Augustinus epist. 165. ex Actis proconsularibus Diocletiano Imperatore confectis, inter vasa, quæ ad ministerium Ecclesiæ composita fuerant, *Capitulatam*, & *lucernam argenteam*. Erat (inquit Cardinalis Baronius in Notis ad 7. Augosti in Martyrol. Rom.) Capitulata illa, quæ multa haberet capita, & quam dicimus hodie *Lampadario*. De Cantharis, Pharocanthalis, Coronis, atque diversis Lychnis, & lucernis ex Anastasio Bibliothecario Bulengerus affatim in libro de Donarijs Pontificum, sicut Angelus Roccha in Notis ad S. Gregorij Donationes, vbi de Luminaribus, & Loaysa in Concil. Hispan. præcipue in Notis ad c. 7. Concil. 1. Bracaren̄, & c. secundum secundi, & c. 2. Toletani sub Recaredo, de Lampadibus S. Petri suprascriptus Roccha, in quibus adiungebatur odor splendori, & olei vice insundebatur Opobalsamum, ut liquet

quet ex Anastasio in S. Siluestro , & e Cardi-
nale Petro Damiani lib. 1. epist. 20. ad Cada-
loum . qua de re Sidonius Apollinaris lib. 9.
epist. 13. Lampridius in Heliogabalo , Torri-
gius in Crypt. Vatican. & Cardinalis Baronius
in Annal. ad annos Christi 44.58. & 324. Erat
& oleum Nardinum, quod Pharo aureo collo-
cato ante altare Lateranense ardebat ex dono
Constantini , vt Anastasius tradit .

CAPUT SECUNDUM.

Accenderunt etiam Christi cultores ante
tumulos, & imagines Martyrum cereos,
frendente nequicquam Vigilantio, quem refel-
lit egregiè S. Hieronymus in epist. ad Ripa-
rium . At ego (scribit Gregorius Turonensis
lib. 2. c. 2. de Vita S. Martini) in vita B. Mar-
tini Antifitis confisus vnum e cereolis trans-
mitto per puerum, dicens, accendite illum co-
ram eo, & in contemplatione luminis oratio-
nem fundite apud Dominum ante imaginem
suprascripti S. Martini . *Lycenus adest, cuius vi-*
trea natat ignis in vnda; canit Paulinus Petro-
coriensis apud Cardinalem Baronium ad an-
num C. 400. vbi de oleo salubri oculis, vti For-
tunatus apud Petram sanctam , de oleo S. Ste-
phani Martyris fuscitante mortuum , ex Euo-
dio